

9134

672608

1173

T·2

古書虛字集釋



672806

1974
1974
T-3

古書虛字集釋



古 書 虛 字 集 釋

裴 學 海 著

下 冊

古書虛字集釋卷六

【得】

「得，」「獲」也。

孟子盡心篇：「求則得之。」

「得」猶「能」也。

韓詩外傳二：「不能勤苦，焉得行此？……不恬貧窮，「恬」安也。焉能行此？」「得」亦「能」也。互文耳。

牟子理惑論引老子：「天地尚不得久，而況於人乎？」老子二十三章：「得」作「能」。

大戴禮衛將軍文子篇：「賜有逮及焉，有未逮及焉，「賜」謂子貢，「逮」謂訓者。不得辯知也。」「辯」與「編」同。

戰國策秦策三：「穰侯十攻魏而不得傷者，非秦弱而魏強也，其所攻者地也。」

「得」猶「可」也。

春秋繁露保位權篇：「制之者，制其所好，是以勸賞而不得多也；制其所惡，是以畏罰而不可過也。」

「畏」同「威」，「得」亦「可」也，互文耳。

「得」猶「待」也。「得」與「待」雙聲，又爲之部疊韻字，故「得」可訓「待」。

列子天瑞篇：「貧者士之常也，死者人之終也，處常得終，當何憂哉？」「當」與「尙」同，說苑禘言篇：「得」作

「待」，「哉」作「乎」。

【都】

「都」「於」也。見爾雅。

史記司馬相如傳：「終都攸卒。」見經傳釋詞引。

「都」「皆」也。

論衡謝短篇：『儒不能都曉古今。』

「都」歎美之詞也。

書皋陶謨篇：『皋陶曰：「都。」』說見經傳釋詞。

【當 尙 嘗 常】

「當」「宜」也。

史記齊悼惠王世家：『當斷不斷。』

字或作「尙」

詩抑篇：『相在爾室，「相」猶「夫」也。尙不愧於屋漏。』

「當」猶「定」也。「當」與「定」爲舌頭雙聲。「必」也。

白虎通考黜篇：『既能進善，當能戒惡。』

史記信陵君傳：『往恐不聽，必當殺之。』「必當」卽「必定」。

「當」猶「方」也。

一爲「正」字之義。口語謂爲「正當」。

孟子公孫丑篇：『當在宋也。』

一爲「方纔」之義。

三國志魏志華佗傳：『佗久遠家思歸，因曰：「當得家書，方欲暫還耳。」』「方」也。

「當」猶「將」也。訓見經傳釋詞。

儀禮特牲饋食禮記：『佐食當事，則戶外南面。』鄭注曰：「當事，將有事而未至。」見經傳釋詞引。

戰國策趙策一：『知伯曰：「兵著晉陽三年矣，旦暮當拔之而饗其利。」』韓非子十過篇：『當』作

「將」。

又：『居頃之，襄子當出。』

吳越春秋句踐入臣外傳：『越將有福，吳當有憂。』「當」亦「將」也。互文耳。

「當」猶「於」也。「當」與「於」同義。故孟子萬章篇：「孔子曰：『於斯時也。』」天下殆哉發發乎。」韓非子忠孝篇作「當是時也」。

漢書董仲舒傳：「當虞氏之樂，莫盛於韶，於周莫盛於勺。」「當」亦「於」也。互文耳。

國語鄭語：「當周未有。」

說苑政理篇：「君子之盜，豈必當財幣乎？」

「當」猶「在」也。

墨子尚賢篇下：「當王公大人之於此也。」

七患篇：「患之所當，國必有殃。」

辭過篇：「君實欲天下之治而惡其亂也，當爲宮室不可不節。」下文「當爲衣服不可不節……當爲食飲不可不節」，「當」皆訓「在」。

「當」猶「對」也。「當」與「對」一聲之轉。謂對於也。

墨子天志下篇：「當天之志，而不可不察也。」

非攻篇中：「故當攻戰而不可不非。」

明鬼篇：「故當鬼神之有與無之別。」

非命篇中：『當夫有命者，不可不疾非也。』「當夫」即「對於」也。「夫」則於「說詳夫」字條。篇下作：『當若有命者之言，不可

不强非也。』據孫詒讓本：按當若亦對於也。

非樂篇：『當在樂之爲物，將不可不禁而止也。』「當在」即「對於」也。

明鬼篇：『當若鬼神之有也，將不可不尊明也。』

兼愛篇下：『當若兼之不可不行也。』

「當若」皆卽「對於」。見「若」訓於「說」字條。墨子書言「當若」者皆倣此。

字或作「嘗」

明鬼篇：『嘗若鬼神之能賞賢如罰暴也。』「如」而也。「嘗若與」嘗若同，亦謂「對於」也。

「當」猶「如」也。訓見經傳釋詞。「似」也。

墨子明鬼篇：『燕之有祖，當齊之有社稷，宋之有桑林，楚之有雲夢也。』見經傳釋詞引。

說苑權謀篇：『國有此五者，毋幸必亡。』「毋」同「無」。中山與齊皆當此。

「當」猶「爲」也。今日語猶謂「爲」曰「當」，如謂爲人曰「當人」是也。「作」也。

孟子離婁篇：『養生者，不足以當大事。』趙注曰：『孝子事親致養，未足以爲大事。』是趙氏訓「當」爲「爲」。

新序雜事篇三：『是使布衣不得當枯木朽株之資也。』史記鄒陽傳：「當」作「爲」。

淮南子汜論篇：『二君處彊大勢位，修仁義之道，湯武救罪之不給，何謀之敢當？』「當」，「爲」也。治要引「當」作「慮」，是不

得其解而妄改。讀書操志謂作「慮」者是，未爲允當。諸子平議已駁正之矣。惟平議謂「當」爲「爲」，蓋之誤，亦失之。

論語衛靈篇：『當仁不讓於師。』

子張篇：『子夏之門人小子，當洒掃應對進退，則可矣。』

史記陳丞相世家贊：『非知謀，孰能當此者乎？』

字或作「常」

漢書東方朔傳：『安敢望常侍郎乎？』「常」同「當」，「爲」也。

「當」猶「爲」也，「是」也。

呂氏春秋達鬱篇：『孰當可而銳？』「而」以也。其惟士乎？

「當」猶「其」也。

孟子離婁篇：『言人之不善，當如後患何？』列子湯問篇：『其如土石何？』文例同此。

史記留侯世家：『橫絕四海，當可奈何？』

漢書匈奴傳：『當從塞內還之邪？從塞外還之邪？』

字或作「尙」

漢書竇田灌韓傳：『非大王立，尙誰立哉？』

「當」猶「受」也。

莊子讓王篇：『屠羊說曰：『大王失國，非臣之罪，故不敢伏其誅；大王反國，非臣之功，故不敢當其賞。』』

韓詩外傳八：『當一作「受」。』

說苑正諫篇：『子胥曰：『嗟乎！讒臣宰嚭爲亂，王顧反誅我。』』顧反是複語，顧亦反也。我令若父霸，又若立時，諸

子弟爭立，我以死爭之於先王，幾不得立；若既立，欲分吳國予我，我顧不敢當。然。」然猶也。

言我則不敢受也。史記越世家作：『若初欲分吳國半予我，我不受已。』已亦也。

【等】多音切·見廣韻四十三等·

「等」猶「待」也。

「等」待同從「寺」聲。廣韻十五母。「等」多改切。尚與「待」音近。厥後等字音轉。讀多音切。遂與「待」音稍遠矣。今日語通謂「待」曰「等」。

管子心術篇下：「募選者所以等事也。」

「募」讀爲「異」。

「等」猶「何」也。

後漢書彌衡傳：「死公云等道？」

章炳麟云：「等·何也。」（說見新方言）。

學海按「等」與「台」音近。「台」訓「何」故「等」亦訓「何」。「台」音「飴」亦讀「土來切」。見廣韻十「等」古讀「多改切」。見廣韻十「土來」與「多改」音最近也。「等」從「寺」聲。

「寺」聲字多與「台」聲字通用，如「齏」亦作「辭」。見說文「齏」見三蒼。「殆」與「待」通。詳字條皆其例。然則「等」之與「台」不獨音近，且聲類亦相通矣。

【鼎】

鼎「猶」正「也」。鼎與「正」古皆讀若「丁」，故「鼎」得訓「正」。續文以「鼎」爲「貞」，續文「項」作「顛」，是鼎

左傳哀十七年之「窺尾」，卽詩汝墳篇之「穀尾」。是正「貞」丁三字，古亦皆同音通用，故知「鼎」與「正」古皆讀若「丁」，從「正」聲之「定」字，是其例。

漢書賈誼傳：「天子春秋鼎盛。」應劭曰：「鼎，方也。」按「方」亦「正」也。

鼎「猶」將「也」。鼎訓「將」，猶「當」訓「將」也。「鼎與」當聲相轉，猶「丁壯」亦曰「當壯」也。管子揆度篇：「當壯者遺之。」當壯卽「丁壯」。說見經義述聞爾雅丁當也條。

漢書匡衡傳：「無說詩，毋匡鼎來。」「來」，「至」也。（見爾雅）服虔曰：「言匡且來也。」按「且」亦「將」也。

【單 坦 戰】

單「盡」也。見詩天保篇鄭箋。

字或作「戰」：「戰」從「單」聲，故與「單」通。

書多方篇：『我惟時其戰要囚之。』「要」讀爲「幽」。「惟時」猶言「於是」。「其」乃也。言我於是乃盡幽囚之也。

字又或作「坦」：

按「坦」與「單」通。猶「單」與「但」通。「說見但字條」。「坦」與「坦」通。也。老子：「釋然而善謀。」河上本「釋」作「坦」。鍾會本：「孫登本「釋」皆作「坦」。」

〔釋〕三字通。按「旦」單一聲之字。古多通用。〔坦〕與「單」既通。故「單」訓「大」。〔見說文〕。〔坦〕亦訓「大」。〔見文選西京賦薛注〕。按「坦」訓「大」爲「單」之借字。

論語述而篇：『君子坦蕩蕩，小人長戚戚。』

【僥黨】

「儻」猶「或」也。訓見經傳釋詞。

莊子繕性篇：『物之儻來寄也。』釋文云：「儻，崔本作蕩。」

字或作「黨」。

荀子天論篇：『怪星之黨見。』

史記淮陰侯傳：『恐其黨不就。』

漢書伍被傳：『黨可以徵幸。』

此上四例並見經傳釋詞引。

【獨】

「獨」「單」也。

論語顏淵篇：『人皆有兄弟，我獨無。』

「獨」「但」也。

說苑禘言篇：『不遇時者衆矣，豈獨邱哉？』
「邱」：子也。孔

「獨」猶「爲」也。

荀子王制篇：『故周公南征而北國怨，曰：「何獨不來也？」東征而西國怨，曰：「何獨後我也？」』

梁惠王篇：『東面而征，西夷怨；南面而征，北狄怨。』曰：『奚爲後我？』文例同此。『何獨』奚爲？抑卽何爲？亦皆猶實何故也。

孟子告子篇：『何獨至於人而疑之？』

說苑善說篇：『雍門子周以琴見乎孟嘗君，孟嘗君曰：「先生鼓琴，亦能令文悲乎？」雍門子周曰：「

臣何獨能令足下悲哉！」』

「獨」猶「其」也。

孟子滕文篇：『一薛居州，獨加宋王何？』論語：『桓魋其如予何？』文例同此。

左傳宣四年：『棄君之命，獨誰受之？』與襄二十九年「其誰歸之」文例同。

列女傳魯義姑姊傳：『子雖痛乎，獨謂義何？』「謂」如「奈」也。

莊子德充符篇：『若然者，其用心也獨若之何？』左傳僖二十四年「其若之何」，文例同此。

「獨」猶「豈」也。訓見經傳釋詞。

禮記樂記篇：『且女獨未聞牧野之語乎？』

左傳襄二十六年：『夫獨無族姻乎？』「夫」彼也。

此上二例，並見經傳釋詞引。

「獨」猶「何」也。訓見經傳釋詞。

呂氏春秋必己篇：『獨如嚮之人？』見經傳釋詞引。

論衡雷虛篇：『物之飲食，天不能知；人之飲食，天獨知之？』

列女傳邵陽友娣傳：『季兒曰：「嘻！獨今乃語我乎？」』

淮南子道應篇：『文侯喟然嘆曰：「吾獨無豫讓以爲臣乎？」』

漢書司馬相如傳：『朕獨不得與此人同時哉！』

「獨」猶「猶」也。

一爲「猶尙」之義：

說苑權言篇：『聖人獨見疑，而況於賢者乎？』

商君書農戰篇：『雖有詩書，鄉一束，家一員，獨無益於治也。』